

24 Froen zum Ausländerwahlrecht

- 1. Wat sinn Nationalwahlen?** Bei de Nationalwahlen gëtt en nationalt Parlament gewielt, dat dann soll d'Natioun verrieden, also déi Leit déi d'Nationalitéit hunn, egal wou se wunnen. D'Chamber vertritt d'Natioun, an d'Natioun dat sinn net d'Ausländer, mä d'Lëtzebuurger.
- 2. Kënnen Ausländer fir déi lëtzebuurger Chamber wien?** JO, Ausländer kënnen och elo schonn wien wann se déi duebel Nationalitéit unhuelen dann ginn si Lëtzebuurger, dat ass net komplizéiert a bis elo en grouse Succès.
- 3. Kënnen Ausländer och wien wann si net déi duebel Nationalitéit huelen?** Jo d'Ausländer wien eben fir hier Parlamenter. Sou hunn d'Ausländer hir eege Regierungen déi hir Interessen verrieden. An verschidde Länner wéi Frankräich oder Italien gëtt et souguer Députéiert déi exklusiv vun den Emigranten (Auswanderer) gewielt ginn (zum Beispill an Italien 12 Députéiert déi an der "circonscription Estero" gewielt ginn fir d"camera dei deputati" an déi d'Italiener déi am Ausland wunnen verrieden) (an Frankräich: "11 députés représentant les Français établis hors de France" an der Assemblée nationale.)
- 4. Gëtt et hei en Demokratiedefizit?** NEE, jidderee kann wien, an zwar an deem Land wou en och säin PASS krit. Dat wat zielt ass nach ëmmer WAT een ass, an net WOU een wunnt. Dofir weist en Fransous deen zu Lëtzebuerg wunnt jo och säi franséische Pass wann en de Fliger hëlt.
- 5. Ass Lëtzebuerg dann am Moment net demokratesch genuch?** Dach, am „Demokratieindex“ vun der Zeitung „The Economist“ ass Lëtzebuerg op der 11. Plaz vun 167 Natiounen. Lëtzebuerg ass eng exemplaesch Demokratie!
- 6. Gëtt et d'Ausländerwahlrecht nach an engem anere Land?** NEE dat gëtt et a kengem Land an Europa.
- 7. Ginn déi aner Länner wéi Frankräich oder Italien och elo den Ausländer d'Wahlrecht?** NEE do traut sech mol keen drun ze denken. An eis Regierung huet nach net ugefrot fir dass déi Länner de Lëtzebuurger, déi bei hinnen wunnen, en Ausländerwahlrecht sollen ginn.
- 8. Déi Länner hunn jo och manner Ausländer wéi Lëtzebuerg?** Jo, MÄ et ass eng PRINZIPELL Fro, onofhängeg vun der Unzuel un Ausländer.
- 9. Wëllen d'Ausländer iwwerhaupt d'Wahlrecht?** NEE, bei enger Chamber-Petitioun, wou och Ausländer konnten deel huelen an wou vill Reklamm gemaach ginn ass (vun ASTI, l'essentiel, paperjam...) hunn mol keng 2000 Leit ënnerschriwwen.
- 10. Firwat ass et net gutt wann Ausländer wien kënnen?** Vill Ausländer sinn net fir ëmmer zu Lëtzebuerg. Dann ass et hinnen eventuell och egal wat an 50 oder 70 Joer hei geschitt. Am Géigesätz dozou mussen d'Lëtzebuurger awer laangfristeg denken an sech d'Fro stellen wat fir e Lëtzebuerg se wëllen fir hir Kanner an Kandskanner.

11. Wéi eng Ausländer dierfen dann wielen, nëmmen EU-Ausländer oder och Chineesen, Russen an Nordkoreaner? Sou wéi et virgesinn ass, alleguer d'Ausländer, also (iwwerspëtzt formuléiert) och Chineesen, Russen an Nordkoreaner.

12. Géif dann och erëm eng friem Sprooch an der Chamber geschwat ginn? Wahrscheinlech géif fréier oder spéider erëm franséisch an der Chamber geschwat ginn. Kuerzfristeg géifen d'Chamberdebatten wuel an d'Franséisch iwwersat ginn, wat absolut inakzeptabel wier.

13. Missten déi Ausländer, déi wielen ginn dann och Civique-Coursen matmaachen fir eise System ze verstoen? NEE, dat ass net geplangt.

14. Kënnt dann och dat passivt Wahlrecht fir Ausländer? Dat wier eng logesch Suite an dann missten och héich Plätzen beim Staat opgoen fir Ausländer woubäi et dach ganz bedenklech wier wann en Ausländer géif Chef vum Geheimdéngscht ginn oder Offizier an der Arméi.

15. Wou wielen dann déi Lëtzebuurger déi am Ausland wunnen? Dann kéinten déi vläicht guer net méi wielen, well et muss een jo wëssen wat een wëll: ENTWEDER wielen déi Leit déi hei wunnen ODER déi Leit déi d'Nationalitéit hunn.

16. Wat bedeit d'Ausländerwahlrecht fir eis Natioun? Mam Ausländerwahlrecht schafen mer laangfristeg Lëtzebuerg als Natioun an onofhängegt Vollek of, eng komplett falsch Décisioun an engem Europa wat nach laang duerch d'Nationalstaaten geprägt wärt sinn.

17. Un wéi eng Gesetzer muss sech dann en Ausländer halen? An verschiddene Beräicher ass en Ausländer den Gesetzer vun sengem Heemechtsland ënnerstellt an net de Lëtzebuurger Gesetzer. Beispiller: Éisterräicher an Schwäizer müssen an d'Arméi goen an hirem Land. Een Amerikaner deen zu Lëtzebuerg wunnt, muss sech awer un amerikanesch Gesetzer halen. Et ass jo och d'Heemechtsland dat decidéiert ob si en Pass kréien oder net.

18. Mais dann kéinten d'Ausländer jo Saachen decidéieren un déi se sech net missten halen? Theoretesch kéinten se eng Partei wielen déi géif decidéieren fir un engem Krich (z.b. am Irak) deelzehuelen, wou jo dann awer just lëtzebuergesch Zaldoten géifen dohin geschéckt ginn.

19. Ausländer schaffen jo awer hei an bezuelen Steieren, wier et dann net logesch dass si och d'Wahlrecht kréien? Nee, well an där Logik dierft jo en Aarbechtslosen, deen keng Steieren bezillt och net wielen goen. An déi Lëtzebuurger, déi am Ausland wunnen a schaffen, dierften néirens méi wielen.

20. Wann een d'Fro liest dann mierkt een jo awer dass een Ausländer muss ganz vill Konditiounen erfëllen fir kënnen ze wielen? Wann déi Klausel vun der Nationalitéit bis eraus aus der Verfassung ass, dann kann ëmmer erëm an der Chamber drun geännert ginn. Dann geet iergendwann d'Residenzklausel erof op 5 oder 2 Joer an d'Konditiounen ginn opgeléist.

21. Kënnt dann och d'Wahlpflicht fir d'Ausländer? Nee fir si ass en Wahlrecht virgesinn wat natierlech géif bedeuten dass mer dann 2 verschidden Zorten vun Wieler hätten: Déi déi wëllen an déi, déi müssen.

22. Wéini ass déi Iddi vum Ausländerwahlrecht fir d'éischt ëffentlech opkomm? Am

Januar 2013 ass et d'Handelskammer (chambre de commerce) an den Minister Etienne Schneider déi d'Thema vum Ausländerwahlrecht richtig lancéieren.

23. Weem seng Iddi ass d'Ausländerwahlrecht? D'Iddi besteet schonn méi laang bei der Asti mä et ass elo besonnesch d'Patronat an d'Wirtschaft („les décideurs“, wéi se sech nennen) déi wëllen d'Ausländerwahlrecht aféieren. D'Iddi kënnt net aus dem Vollek!

24. Firwat wëllen déi dann d'Ausländerwahlrecht? Si erwaarden sech doduerch en méi schwaachen Nationalstaat. Dat géif bedeuten dass d'Wirtschaft dann ëmmer méi hir Décisiounen kéint duerchsetzen an net méi déi demokratesch gewielte Parlamenten.

Si dir der selwechter Meenung wéi mir? Dann setzt iech och an, dass de 7. Juni mat NEE zum Ausländerwahlrecht gestëmmt gëtt.

Stëmmt de 7. Juni NEE!